



10. juni 2013

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

1. Ukiup affaata kingulliup ingerlanerani nunarsuarmi uuliap akia appariartorsimagaluartoq nunatsinni uuliap akiata 7. juni 2013 aallarnerfigalugu 0,26 koruuninik qaffannissaanut suut tunngavusersut Naalakkersuisut saqqummiussinavaat?

2. Ulloq 1. juli 2012 aallarnerfigalugu qularnaveeqqutit suut (uuliap akuiangaanngitsoq, uuliamik akuiavinni akit tunngavii aamma aningaasat) KNI-p pigisimavai aamma suut qularnaveeqqutit KNI-p ullumerpiaq pigai. Qularnaveeqqutit suuppat pisinerup nalaani aamma tunisinerup nalaani?

a. tunisinerup nalaani qularnaveeqqutit eqqarsaatigalugit; taakku qanoq KNI A/S-m bogførerneqarpat aamma tunisisoqassapat, tunisinermi iluanaarutaasusaaq atuisunut iluaqusiissava?

3. Naalakkersuisut sunik iliuuseqarniarpat qulakkeerumallugu KNI A/S-p qularnaveeqqutit atorlugit iluanaarniarluni pilersaarusiortarnerata iluanaarniarneratalu inuiaqatigiinnut toqqissisimanartumik pisarnissaa?

(Inatsisartunut ilaasortaq Palle Christiansen, Demokraatit)

Tunngavilersuut:

KNI A/S –p ulloq 7. juni 2013 uuliap akia qaffappaa 0,26 koruuninik literimut.


Tamanna qaffaanertut annertuutut isikkoqarpoq eqqarsaatigalugu ukiup affaata kingulliup ingerlanerani nunarsuarmi uuliap akiata appariartorsimanera tamatumalu nassataanik kalaallinut atuisartunut iluaqutaasumik uuliap akiata appartariaqarsimagaluarnera eqqarsaatigalugu.

Takukkit Danmarkimi benzinap tunissassarinerani akinut paasissutissat tamanit takuneqarsinnaasut www.eof.dk-mi

1. august 2012	6,27
4. juni 2013	5,85



DEMOKRAATIT
DEMOKRATERNE



Tassa Danmarkimi uuliamik tunisassiornermi aki apparsimavoq (akitsuutit il.il. ilanngunnagit) literimut 0,42 koruuninik piffissami pineqartumi.

Nunarsuarmi aki aamma Danmarkimi Kalaallit Nunaannilu akiummat, assigiinngissutaasoq KNI A/S-p uuliamut aningaasanullu qulanarnaveeqqutitut aalajangersartagaaniissimassapput.

Apeqqutit akeqquneqarput tigusermiit ullut sulliviit naliginnaasut qulit qaangiutsinnagit